

POLITIKA PRIVATNOSTI

Cilj Politike privatnosti Državne agencije za istrage i zaštitu (u daljem tekstu: Agencija) je da, u skladu sa članom 14. Zakona o zaštiti ličnih podataka (u daljem tekstu: Zakon), svim osobama čije lične podatke Agencija obrađuje u okviru postupaka koje provodi, uz izuzetke propisane posebnim zakonom, pruži informacije o obradi njihovih ličnih podataka na transparentan način.

Politika privatnosti se primjenjuje na sve lične podatke koje Agencija prikuplja, upotrebljava ili na drugi način obrađuje, direktno ili putem svojih partnera, trećih osoba.

Lični podatak je svaki podatak koji se odnosi na fizičku osobu čiji je identitet utvrđen ili se može utvrditi.

Obrada ličnih podataka je svaki postupak ili skup postupaka koji se obavlja na ličnim podacima ili na skupovima ličnih podataka, automatiziranim ili neautomatiziranim sredstvima kao što su prikupljanje, evidentiranje, organizacija, strukturiranje, čuvanje, prilagođavanje ili izmjena, pronalaženje, ostvarivanje uvida, upotreba, otkrivanje prenosom, širenjem ili stavljanjem na raspolaganje na drugi način, usklađivanje ili kombiniranje, ograničenje, brisanje ili uništavanje.

1. Svrha i pravni osnov za obradu ličnih podataka

Vaše lične podatke Agencija obrađuje u skladu sa članom 8. stav (1) tač. c) i e) i članom 64. stav (1) Zakona, izvršavajući svoje nadležnosti i ovlaštenja iz člana 3. Zakona o Državnoj agenciji za istrage i zaštitu. Navedene nadležnosti i ovlaštenja uključuju:

- sprečavanje, otkrivanje i istragu krivičnih djela iz nadležnosti Suda Bosne i Hercegovine, a posebno organiziranog kriminala, terorizma, ratnih zločina, trgovine ljudima i drugih krivičnih djela protiv čovječnosti i vrijednosti zaštićenih međunarodnim pravom, te teškog finansijskog kriminala;
- prikupljanje obavještenja i podataka o krivičnim djelima te praćenje i analiza sigurnosne situacije i pojava koje pogoduju nastanku i razvoju kriminaliteta;
- pružanje pomoći Sudu i Tužilaštvu Bosne i Hercegovine u prikupljanju obavještenja te izvršavanje naloga Suda i glavnog tužioca BiH;
- zaštitu svjedoka;
- provođenje međunarodnih sporazuma o policijskoj saradnji i drugih međunarodnih instrumenata u njenoj nadležnosti;
- kriminalističku ekspertizu i
- ostali poslove propisani zakonom i drugim propisom.

2. Koja su Vaša prava u vezi sa obradom ličnih podataka?

Uz izuzetke propisane posebnim zakonom, vaša prava su:

- pravo na pristup svojim ličnim podacima;
- pravo na ispravku ličnih podataka;
- pravo na brisanje ličnih podataka i
- pravo na prigovor.

Za ostvarivanje svojih prava možete se obratiti pisanim putem ili putem elektronske pošte kontroloru podataka ili nadzornom tijelu.

3. Prenos ličnih podataka drugim kontrolorima podataka

Vaše lične podatke Agencija daje pružaocima informatičko-komunikacionih usluga sa kojima je zaključila ugovor i koji poštuju pravila postupanja sa ličnim podacima. Vaše lične podatke Agencija može dati trećoj strani ukoliko je to potrebno za izvršavanje zakonom propisanih obaveza treće strane ili ukoliko je neophodno za izvršavanje legitimnih interesa treće strane. Takođe, vaše podatke Agencija neće prenositi trećim osobama u inostranstvu, osim ukoliko takva obrada nije neophodna na osnovu međunarodnog propisa ili ugovora koji obavezuje Agenciju.

4. Korištenje kolačića

Na našoj službenoj internetskoj stranici <https://sipa.gov.ba/> koriste se obavezni, odnosno tehnički kolačići (*cookies*). Ti kolačići su male datoteke koje omogućavaju ispravan rad internet mjesta i ne možemo ih isključiti, te za njihovo korištenje ne trebamo vašu saglasnost. Obavezni kolačići ne pohranjuju nikakve informacije koje bi vas mogle identificirati.

5. Sigurnost ličnih podataka

Vaše lične podatke Agencija obrađuje na način kojim se osigurava odgovarajuća sigurnost i povjerljivost kao i odgovarajuća primjena principa zakonite obrade ličnih podataka te smanjenje količine ličnih podataka po principu neophodnosti. Agencija poštuje vremenski period čuvanja ličnih podataka kao i njihovu raspoloživost.

Preduzete su fizičke, tehničke i organizacione mjere zaštite ličnih podataka, koje su propisane Planom sigurnosti ličnih podataka, kako bismo osigurali povjerljivost, integritet, raspoloživost, autentičnost, mogućnost revizije i transparentnost. Svi zaposleni u Agenciji potpisali su izjave o tajnosti ličnih podataka kojima pristupaju.

6. Vremenski period čuvanja ličnih podataka

Vaše lične podatke Agencija obrađuje u vremenskom periodu koji je potreban da se ispuni svrha njihove obrade. Nakon prestanka svrhe u koju su prikupljeni, vaši lični podaci više se ne koriste, ali se čuvaju u arhivi onoliko vremena koliko obavezuju zakonski propisi o arhivskoj građi.

7. Promjene Politike privatnosti

Agencija će redovno ažurirati Politiku privatnosti kako bi ista sadržavala tačne informacije. O svim izmjenama i dopunama bit ćete blagovremeno informirani u skladu sa principom transparentnosti.

8. Podaci o službeniku za zaštitu podataka

Tel: +387 57 326-129

E-mail: szzp@sipa.gov.ba

9. Kontakt informacije

Državna agencija za istrage i zaštitu, Nikole Tesle 59, 71123 Istočno Sarajevo

Tel: +387 57 326-100

Fax: +387 57 342-924

E-mail: sipa@sipa.gov.ba